



KEMENTERIAN EKONOMI
JABATAN PERANGKAAN MALAYSIA

STATISTIK HARI INI OLEH DOSM

PADA 12:00 TENGAH HARI

STATS ALERT: #266
30 NOVEMBER 2023


LAPORAN STATISTIK UPAH PEKERJA (SEKTOR FORMAL), ST2 2023



LAPORAN STATISTIK UPAH PEKERJA (SEKTOR FORMAL)

SUKU TAHUN KEDUA 2023


Bilangan pekerja formal warganegara pada Jun 2023 adalah seramai 6,599.8 ribu orang dengan median upah bulanan RM2,600.



MEDIAN UPAH BULANAN BAGI PEKERJA FORMAL WARGANEGARA MENGIKUT DIMENSI PADA SUKU TAHUN KEDUA 2023

JANTINA

Median upah bulanan bagi lelaki (RM2,645) adalah lebih tinggi berbanding perempuan (RM2,527) pada Jun 2023.




ETNIK

Pekerja formal Etnik Cina merekodkan median upah bulanan tertinggi pada Jun 2023 (RM4,000).




KUMPULAN UMUR

Kumpulan umur 45 hingga 49 tahun mencatatkan median upah bulanan tertinggi iaitu RM3,500 pada Jun 2023.




AKTIVITI EKONOMI

Median upah bulanan paling tinggi pada Jun 2023 direkodkan dalam sektor Perlombongan & pengkuarian (RM5,200), diikuti Pembinaan, Perkhidmatan, Pembuatan dan Pertanian.



NEGERI



KONSEP & DEFINISI

Upah meliputi semua ganjaran kepada pekerja dalam bentuk wang termasuk bonus, komisen dan elaun dalam tempoh rujukan.

Median merujuk kepada nilai yang terletak di tengah-tengah susunan suatu set nombor yang disusun mengikut tertib. Median upah digunakan untuk memberi gambaran "purata upah" yang lebih tepat kerana tidak terkesan kepada nilai ekstrem.

SUMBER: LAPORAN STATISTIK UPAH PEKERJA (SEKTOR FORMAL), SUKU TAHUN KEDUA 2023, JABATAN PERANGKAAN MALAYSIA (DOSM)



Median upah bulanan pekerja formal warganegara meningkat sebanyak 4.9 peratus pada Jun 2023 kepada RM2,600 berbanding Jun 2022

- Pekerja formal lelaki yang menyumbang 55.5 peratus (3.66 juta orang) daripada jumlah pekerja formal keseluruhan pada Jun 2023, menerima median upah bulanan yang lebih tinggi daripada perempuan. Median upah bulanan bagi pekerja formal lelaki adalah RM2,645 manakala pekerja formal perempuan yang menyumbang 44.5 peratus (2.94 juta orang) daripada jumlah pekerja formal keseluruhan memperoleh median upah bulanan sebanyak RM2,527.
- Melihat kepada perincian statistik upah mengikut kumpulan umur menunjukkan bahawa kumpulan umur 45 hingga 49 tahun mencatatkan median upah bulanan tertinggi pada Jun 2023, dengan median upah bulanan sebanyak RM3,500. Kumpulan umur ini juga menerima median upah bulanan tertinggi pada April 2023 (RM3,582) dan Mei 2023 (RM3,482). Perbandingan median upah bulanan pada Jun 2023 dengan bulan yang sama pada tahun sebelumnya, semua kumpulan umur mengalami peningkatan median upah bulanan kecuali bagi mereka yang berumur di bawah 20 tahun. Kumpulan umur 60 hingga 64 tahun menunjukkan pertumbuhan tahun ke tahun tertinggi pada Jun 2023 meningkat sebanyak 11.7 peratus kepada RM2,764. Terdahulu, pada April 2023, kumpulan umur di bawah 20 tahun menikmati pertumbuhan tahun ke tahun tertinggi (25.0%), yang tertinggi untuk empat bulan berturut-turut sejak Januari 2023. Walau bagaimanapun, Kumpulan umur bawah 20 tahun mencatatkan pertumbuhan yang perlahan dalam median upah bulanan pada Mei 2023 (pertumbuhan tahun ke tahun: 5.5%) dan kekal tidak berubah pada Jun 2023 (pertumbuhan tahun ke tahun: 0.0%) disebabkan oleh kesan pelaksanaan dasar gaji minimum baharu sebanyak RM1,500 pada tahun 2022 yang telah mereda.
- Mengulas situasi upah merentasi aktiviti ekonomi dalam suku tahun kedua 2023, sektor Perlombongan & pengkuarian terutamanya mencatatkan pertumbuhan dua-digit tahun ke tahun dalam median upah bulanan pada Jun 2023 kepada RM5,200, walaupun hanya mewakili 0.5 peratus daripada jumlah pekerja formal keseluruhan. Semua sektor mencatatkan peningkatan tahun ke tahun bagi median upah bulanan pada Jun 2023 kecuali bagi sektor Pertanian mencatatkan penurunan sebanyak 0.9 peratus kepada RM1,927.

Dikeluarkan oleh: Jabatan Perangkaan Malaysia (DOSM)



Median upah bulanan pekerja formal warganegara meningkat sebanyak 4.9 peratus pada Jun 2023 kepada RM2,600 berbanding Jun 2022

- Semua negeri menunjukkan pertumbuhan positif tahun ke tahun dari segi median upah bulanan. Tiga negeri merekodkan median upah bulanan yang lebih tinggi berbanding median upah nasional RM2,600 iaitu Wilayah Persekutuan Kuala Lumpur mencatatkan median upah bulanan tertinggi sebanyak RM3,822, diikuti oleh Selangor sebanyak RM2,945 dan Pulau Pinang sebanyak RM2,645. Walau bagaimanapun, Kelantan, Perlis dan Sabah mencatatkan median upah bulanan terendah masing-masing sebanyak RM1,600, RM1,600 dan RM1,800.
- Taburan upah pada Jun 2023 menunjukkan bahawa 34.7 peratus pekerja formal di Malaysia menerima upah di bawah RM2,000, mencatatkan penurunan sebanyak 3.6 mata peratus dari 38.3 peratus yang direkodkan pada Jun 2022. Pada masa yang sama, kira-kira 7.9 peratus pekerja formal warganegara memperoleh upah melebihi RM10,000. Sementara itu, analisis persentil menunjukkan bahawa median upah bulanan kumpulan penerima upah tertinggi (persentil ke-90) adalah sekurang-kurangnya lima kali lebih tinggi daripada median upah bulanan kumpulan penerima upah terendah (persentil ke-10) dan sekurang-kurangnya tiga kali lebih tinggi daripada median upah bulanan kumpulan upah pertengahan (persentil ke-50). Tambahan pula, kategori pekerja dengan upah terendah mendapat peningkatan yang paling signifikan sebanyak 17.0 peratus tahun ke tahun pada Jun 2023. Ini menunjukkan bahawa median upah bulanan bagi kumpulan ini telah meningkat secara ketara dari RM1,282 pada Jun 2022 kepada RM1,500 pada Jun 2023.

Dikeluarkan oleh: Jabatan Perangkaan Malaysia (DOSM)

